



Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 10. Pravilnika o javnim nabavkama Visokog sudskog i tužilačkog vijeća Bosne i Hercegovine broj 08-02-2-1826-1/2019 od 14.05.2019. godine, na preporuku Komisije za javne nabavke od 23.10.2024. godine, direktor Sekretarijata Visokog sudskog i tužilačkog vijeća Bosne i Hercegovine, donosi

## **ODLUKU** **o izboru najpovoljnijeg ponuđača**

### Član 1.

(Predmet odluke)

Ugovor o nabavci roba, LOT 2 - Stolovi za potrebe Visokog sudskog i tužilačkog vijeća Bosne i Hercegovine, dodjeljuje se ponuđaču **R&S d.o.o. Sarajevo**, za ponudenu ukupnu vrijednost ponude od **8.431,35 KM** bez PDV-a.

### Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom Konkurentskom zahtjevu za dostavu ponuda broj 05-16-4-3588-2/2024 od 04.10.2024. godine

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Konkurentskom zahtjevu za dostavu ponuda.

### Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u Konkurentskom zahtjevu za dostavu ponuda.

## **O b r a z l o ž e n j e**

Postupak javne nabavke proveden je putem Konkurentskog zahtjeva za dostavu ponuda. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-7-1-209-3-73/24 objavljeno dana 04.10.2024. godine. Primljene su ponude ponuđača R&S d.o.o. Sarajevo, Larix d.o.o. i GRADIZ d.o.o. Sarajevo.

Komisija za nabavke imenovana Rješenjem o imenovanju br. 05-16-4-4346-1/23 od 26.12.2023. godine i 05-16-4-419-2/24 od 16.09.2024. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-3588-27/24 od 23.10.2024. godine je u prilogu ove Odluke) i utvrdila sljedeće:

Kako bi ispunio uslove iz tačke 3.3.3. b) Konkurentskog zahtjeva za dostavu ponuda broj 05-16-4-3588-2/24 od 04.10.2024. godine (u daljem tekstu: Konkurentski zahtjev) ponuđač LARIX d.o.o. je dostavio Potvrdu o dobrom izvršenju ugovora o isporuci robe, broj A-5-7-7/23 od 22.05.2024. godine, koja je izdata od strane Okružnog javnog tužilaštva u Bijeljini (u daljem tekstu: Potvrda).

U dostavljenoj Potvrdi izdavalac potvrde navodi da je između njega i Larix d.o.o. zaključen Ugovor o nabavci kancelarijskog namještaja sa montažom broj A-5-7-6823 od 16.10.2024. godine, ukupne vrijednosti 243.895,85 KM bez PDV-a. U daljem sadržaju Potvrde navodi se da je ugovor u potpunosti izvršen od strane Larix d.o.o., u njegovom cjelokupnom iznosu od 243.895,85 KM bez PDV-a.

Analizom sadržaja Potvrde, Komisija za nabavke je uočila jednu nelogičnost. Naime, datum izdavanja Potvrde (22.05.2024. godine) je stariji od datuma stupanja ugovora na snagu (16.10.2024. godine).

S pretpostavkom da je riječ od tipografskoj grešci, te da je datum stupanja ugovora na snagu 16.10.2023. godine, Komisija za nabavke je izvršila uvid u javno dostupne podatke u sistemu "E-nabavke".

Izvršen je uvid u profil Okružnog javnog tužilaštva u Bijeljini, sekcija Osnovni elementi ugovora. U navedenoj sekciji je pronađen ugovor za koji je izdata Potvrda. U sistemu "E-nabavke" kao početak trajanja ugovora je naveden 16.10.2023. godine sa rokom izvršenja od tri mjeseca, tačnije do 16.01.2024. godine.

U skladu sa prethodno navedenim, Komisija za nabavke je stekla razumno uvjerenje da je dostavljena Potvrda validna i da je ugovor izvršen u ugovorenom periodu, te da je Larix d.o.o. dostavio dokaz kojim ispunjava zahtijevano iz tačke 3.3.3. b) Konkurentskog zahtjeva za dostavu ponuda. Komisija za nabavke je stava da navedena tipografska greška u Potvrdi ne utiče na prihvatljivost Ponude u tom dijelu.

Ponuda ponuđača GRADIZ d.o.o. Sarajevo se odbacuje, jer ponuđač nije ispunio zahtjeve iz Konkurentskog zahtjeva, a u skladu sa članom 68. stav (4) tačka i) Zakona o javnim nabavkama.

U skladu sa Tehničkom specifikacijom za LOT 2 – Stolovi (u daljem tekstu: TS Stolovi), koja je sastavni dio Konkurentskog zahtjeva, između ostalog, zahtijevno je:

- debljina gornje ploče 25 mm za Radni stol tip I
- debljina gornje ploče 25 mm za Radni stol tip II;
- dimeznije gornje ploče 1600x800 mm za Radni stol tip II;
- dimenzije ladičara V600xŠ430xD600 sa 3 ladice.

GRADIZ d.o.o. Sarajevo je na str. 38. i 39. svoje Ponude, broj 905/24 od 14.10.2024. godine (u daljem tekstu: Ponuda GRADIZ), dostavio Tehničku ponudu za LOT 2 – Stolovi sa specifikacijama ponuđenih modela.

U Tehničkoj ponudi, u dijelu opisa i specifikacija ponuđene robe za Radni stol tip I, je navedena debljina ploče 1,8 cm ili 3,0 cm.

U Tehničkoj ponudi, u dijelu opisa i specifikacija ponuđene robe za Radni stol tip II, je između ostalog, navedeno sljedeće:

- debljina ploče 1,8 cm ili 3,0 cm;
- dimenzije ploče 180x80;
- dimenzije ladičara 40x47x63.

Ponuda GRADIZ je neprihvatljiva jer nije u skladu sa TS Stolovi iz sljedećih razloga:

- debljina ploče nije u skladu sa zahtijevanom debljinom u TS Stolovi za Radni stol tip I;
- debljina ploče nije u skladu sa zahtijevanom debljinom u TS Stolovi za Radni stol tip II;
- dimenzije ploče nisu u skladu sa zahtijevanim dimenzijama u TS Stolovi za Radni stol tip II;
- dimenzije ladičara nisu u skladu sa zahtijevanim dimenzijama u TS Stolovi za Radni stol tip II.

Uzimajući u obzir prethodno navedeno, Komisija za nabavke je utvrdila da je ponuda ponuđača GRADIZ d.o.o. Sarajevo neprihvatljiva, budući da ponuđeni modeli, ne zadovoljavaju minimalne zahtjeve tražene Konkurentskim zahtjevom, odnosno TS Stolovi.

Ponude ponuđača R&S d.o.o. Sarajevo i Larix d.o.o. su ocijenjene kao prihvatljive, budući da su u skladu sa uslovima iz Konkurentskog zahtjeva i u okviru budžeta planiranog za predmetnu nabavku.

U predmetnom postupku zakazana je e-aukcija, u skladu sa Pravilnikom o uslovima korištenja e-aukcije ("Sl. glasnik BiH", broj 80/23). Ponuđači R&S d.o.o. Sarajevo i Larix d.o.o. su kvalifikovani učesnici u postupku e-aukcije.

Nakon provedenog postupka e-aukcije, prvorangirani ponuđač je R&S d.o.o. Sarajevo, čija ponuda zadovoljava sve uslove iz Konkurentskog zahtjeva i u okviru je budžeta planiranog za predmetnu nabavku. Izvještaj o provedenoj e-aukciji, broj 05-16-4-3588-25/24 od 23.10.2024. godine, je u prilogu Zapisnika o pregledu i ocjeni ponuda i izvještaju o radu Komisije i sastavni je dio istog.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **R&S d.o.o. Sarajevo**.


Uzimajući u obzir navedeno, odlučeno je kao u dispozitivu ove odluke.

### Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: 05-16-4-3588-31/24

Datum: 24 . 10 .2024. godine

  
Direktor Sekretarijata  
Admir Suljagić

Dostavljeno:

- Ponuđačima,
- Odjelu za finansije i računovodstvo,
- a/a.